

Caretera principal nobo Oranjestad-Malmok

ORANJESTAD (AAN) - Diahuebs atardi a tuma lugar inauguracion di e tercer y ultimo fase den construcion di e caretera principal nobo Oranjestad-Malmok como mehoracion di e infraestructura turistico, e asina yama Plan Sasaki. Ministro di Obras Publicas, Drs. F.A.J. Booi a efectua e inauguracion mencionada. Mester menciona cu den cuadro di dicho plan ya caba a efectua e desvicion di trafico di Smith Boulevard na altura di Alhambra Casino y tambe construcion di e trayectonan Bushiri-Bubali y Palm Beach - Malmok.

Den e tercer fase aki 2.5 km di caretera di dobbel via y 700 meter di simpel via a ser construi. Cu esaki a keda termina e caretera principal nobo pa Malmok cu su conneccionnan corespondiente, consistiendo di 5 km dobbel via di 4 km simpel via.

E construcion aki a trece cune cu casi 150 ha di tereno a bira disponibel pa construcion hotelero cu un totalidad di mas di 5000 kamber.

Mayoria di e parcelanan hotelero ya a ser duna den opcion of erfpacht.

E compania constructura tabata Wegenbouwcombinatie Sasaki, un combinacion di N.V. Arubaanse Wegenbouw y Thiel Corporation N.V. Preparacion y direccion a ser haci pa e departamento gubernamental DOW. E trabaonan a cuminsa ariba 25 di Juni 1987.

Aunque e trabaonan no ta completamente cla ainda, a dicidi sinembargo pa di awor caba habri e caretera pa trafico. Ta trece na conocimiento di tur automobilista cu tin trabaonan di construcion andando ainda na altura di Concord Hotel y toquen final na ambos banda di e caretera. Ademá

iluminacion di caya ta den realisacion.

Den cuadro di e Plan Sasaki preparacion ta ser haci pa detaho publico di e construcion di e trayecto Malmok-Arashi, igual cu e caretera den e zona comercial y e coneccion

den Eagle. Unm programa pa embellecimiento di e paisahe tambe ta den preparacion.

Cu inauguracion di e tercer fase di e Plan Sasaki gobiernota demonstra su continua interes den e desaroyo rapido di nos economia.



**dienst
openbare
werken aruba**

E Gobierno di Aruba ta participa cu dia 22 juli 1988 pa 11.00 or di mainta lo wordu teni na oficina di Director di Departamento di Obras Publicas un destaho Publico pa:

—BESTEK D.O.W. no.8,d.j. 1988—

“Construccion di dos edificio Commercial, un edificio pa Aduana y un portiersloge den e Zona Liber nobo na Oranjestad”.

E especificacionnan lo ta na benta desde 14 di juni 1988 na e loket di Departamento di Obras Publicas pa e suma di Afls.350,-- pa uno.